



www.khiv.ru/pressa

№ 9 (5674)

8-ми март, 2021-пи йис

Газет гьяфттайи сабан удубчівура

Кыямат 3 манатна 68 сепек

АКУ ХЯД

Светлая звезда

Хив райондин жямаятдинна сиясатдин газет



Райондин администрацияйи

Нубатнан совещание

1-пи мартди райадминистрацияйи активый залы райадминистрацияйи глава Ярметовдин регьберваликди нубатнан яркы совещание гьабхы. Дидин ляхны райондин главайин заместителари, райадминистрацияйи отделарин начальники, райцентрийин али идарийрин руководителари иштирак гьапну.

Совещаниеийи звели Ярмет Алиметовчиди хьтабхы гьяфттайи Махачкала шагьри РД-ийн Главини вазифир вахтнинди тамам апурайиру вуйи Сергей Меликовдин регьберваликди республикайи коронавирсдин инфекция дарабгьбаз гидригьтан ва агьалиризи коронавирсдин инфекцияйи кьаршу вакцинайин рубар йивбан месэлийриз тьялык дапнайи заседание кьли гьабшуваликан гьапну ва Хив районди коронавирсди хьди

апурайиваликан кьат'иди ктитну.

РОО-ийн начальник Назарали Тарлановди багарихьди чпин пишекар Мажгларин гьулан кьялан мектебди фронтальный ахтармиш валарихь хьогьруваликан, «100 школ» проектди иштирак апбан бадали школийр гьязур шулайиваликан, «Точка роста» проектдин бинайинди бязи мектебери классный помещенийр гьязур апурайиваликан, мектебарь ЕГЭ-ийхна гьязур шулайиваликан, душварий тепловый режим кьайдайикк гьибтбин позывал гьабхуриваликан, мектебарий урхурайи баяр-шубар хьадан тьяйларин вахтна эрг вал йивру лагерариз гьабан месэлайизра лигурайиваликан хьабар тувну.

Культурайин, спортдин, жигьларин политикайин ва туризмийн отделин начальник Казбек Казиевди кьтабхы гьяфттайи чпи райондин культууро-



аьлакьалу вуйи аьгьвалатнакан кьибтбан бадали ЦРБ-ийн кьлиун духтрин вазифир вахтнинди тамам апурайиру вуйи Агамагомед Нурмагомедовди гаф тувну. Дугь гьамци гьапну: «Гьамусаятна 7 кас ишурайидар хулан шартларий амбулаторноди саг апура, дурар лазим вуйи дарнарихьди тьяинди ву. 5 касдин бязидар Дербентдин, бязидар Касумкентдин больницийри кькьана.

Ихь районди вакцинайин 100 доза тувна. Гьелелиг районди 38 касди коронавирсдин инфекцияйи кьаршу вуйи вакцинайин рубар гьивна. Дурарин 15 кас медроботникар, 17 кас райадминистрацияйин работникар, 2 кас культурайин ва 1 кас образованейин идарийрин работникар ву. 137 касдин ифи, коронавирсдин инфекция каш ахтармиш апбан бадали, Дербентди хьадапна».

«Хивский район» МО-ийн администрацияйи главайин заместитель Агамирза Гамзабековди чан улхарий районди милли проектар уьмриз кечирмиш апурайи гьяланакан, Гьуштарин, Мажгларин, Гьванцларин, Заан Яркарин гьулариз шид гьибан, Човкерин гьулаь бицидарин баг дивбан месэлийр гьял апурайи гьяланакан, Цийи Захтарин гьулаь дивнайи цийи мектебди 90 процент мебель дубнаиваликан, мектеб ишлемши апуз тувбан документар гьязур апурайиваликан, районди рьякяр ремонт апбан месэлар гьял

досуговий центрийн активый залы школьнигарин арайи «Голос дети» чьвур али конкурсдин сабли тур кьли гьубхуваликан, 28-пи февральи РД-ийн нормийр тувуз 12 кас Махачкалайи хьади гьушуваликан ва дурарин натижийра жудар гьабхуваликан, 8-пи Мартдин машквиз концерт гьязур апурайиваликан ктитну.

Райадминистрацияйи экономикайи отделин начальник Гаджибег Рамазановди районди дивру объектарикан, ерли жьагьтуварикан, районди экономикайинна социальный месэлийр гьял апбанакан гьапну.

Райондин ветуравлениеийн начальник Энвер Мисрихановди чпин пишекар агьалирин малариз жорбужор аьзарариз акьси вуйи рубар гьивуваликан хьабар тувну.

Совещаниеийн гьацира ЖКХ-ийн отделин начальник Гаджибала Ибрагимов, Хив ва Агьул районарин военный комиссар Пирмагомед Кубачев, райондин ЦСОН-дин пишекар Пирмагомед Гасанов ва жара юлдшар гьульху. Дурари чпин коллективарий кьли гьабхурайи ляхнарикан, улих дийигьнайи месэлийрикан жикьи информацияйи тувну.

Совещаниеийн гьял гьапну вари месэлийрикан Ярметовди улхар гьапну ва совещаниеийн иштиракчийризи, бязи руководителариз райондин ва кьлуди коллективарин улих дийигьнайи месэлийр гьял апбан рьяк'ан жорбужор теклифар тувну.

Пресс-центр.

«Хивский район» МО-ийн главайи райондин дишагьлийризи 8-пи Мартдин машквар тебрик апуз

Аьвиз дишагьлийри!

Международный дишагьлийрин ийг вуйи 8-пи Мартди хьди аьлакьалу вуди йиз кьвантн вуйи тебрикар кьабул апинай!

Вари дюн'яйи му машквар горчегевалихьди, мюгьобатна хьди ва хьадукар улубьбахьди сигь аьлакьайи а. Му машквар ухди хьанмина варихалкьдинуб дубхьна.

Дишагьлийри жямаятлуьг, экономикайин, социальный уьмри кьобпи ролар уйнамиш апури гьабхы вахтар ярхла тарихди гьузна. Жуван яртамиш апбан ва савадлувалин мумкинвалар уьмриз кечирмиш апури, гьи учув-гьамусдин деврин дишагьлийри обществойин уьмрин вари терефарий аьху хьуркьувалар гьазанмиш апурачва. Яшайишди, бицидариз тербия тувбаь, яшлу ксариз гьульгуьг апбаь учуз барабардар адар. Учву себеб дубхьну ихь гьаммишанлуьг девлетар вуйи мюгьобат, хизан, вафалувал дигиш даршлудар вуди гьузра. Гизаф миллетарикан ибарат вуйи ихь халкьдин жудар аьдатар давам апурайи тухмар аьху апбаь, дурариз тербия тувбаь учву киврайи пай, дадавалин игитвал кьадар адрубькан аьхуб ву.

Зегьмет зигьийн гизаф юкь хьувалиан, рюьган манивалиан, дюн'я аькуь, горчегуб, рьягьмлуб апуз удукьувалиан ва жилижувар жудар ляхнарийна жалб апуз удукьувалиан учуз лап аьху чухсагьул!

Багьа вуйи дишагьлийри! Лап кьвантн учувь мюгькам сагьвал ва мюгьобат, бахтар ва шадвалар хьувал кьун апураза!

«Хивский район» МО-ийн глава Я.Ярметов.

ДАССР-ин 100 йис тамам хьуапз тьялык вуди

Гьюрмат гьазанмиш гьапну

Хив район тешкил гьапхьанмина районди регьбервал тури гьабхидарикан сар Сефихан Мухтаров ву. Дагьустан Республикайин архиварий аий чан автобиографияйи Сефихан Мухтаровди гьамци

апурайиру вуйивалиан заводдин комсомол тешкилатди 1927-пи йисан 15-пи майи Буйнакск шагьри цийи ачмиш дапнайи Даграб-факин мектебди урхуз гьуназу. Душваь узу 1929-пи йисан коммунистарин партияйин жергийрикра кучьунза.

-1930-пи йисан майин вазли, гьеле мектебдин 3-пи курснаь урхури имиди, ВКП(б)-ийн Дагьустандин обкомди НКВД-ийи ляхнаина гьуназу. Душваь 1934-пи йисакьан жорбужор гьульгуьгарин гьабхьунза.

1934-пи йисан майин вазилиан 1935-пи йисандин декабризьян Ахтынский райондин милицияйин отделин начальнивал, 1935-пи йисан декабридан 1936-пи йисандин июндзьян ДАССР-ин милицияйин управлениеийн багахь хьайи уголовный розыскдин уполномоченныйвал, 1936-пи йисандин июндилан 1938-пи йисандин сентябризьян Кьурагь районди милицияйин отделин начальнивал, 1938-пи йисан сентябридан 1939-пи йисандин феврализьян Махачкалаийи аий «Двигательстрой» чьвур али заводди милицияйин отделин начальнивал, хьа 1939-пи йисан февралдан июндзьян гьаду заводди ВКП(б)-ийн райкомдин кьурпи секретарвал гьапнуна.

1939-пи йисан июнддин вазли ВКП(б)-ийн Дагьустандин обкомдин инструкторди деркунзу, хьа 1940-пи йисан 7-пи мартди ВКП(б)-ийн Хив райкомдин сарпи секретарди ктагунзу.

Кьайд апуз лазим вуки, Сефихан Мухтаровди 1941-пи йисакьан ВКП(б)-ийн Хив райкомдин сарпи секретарвал гьапну. Чав районди лихурайи вахтна дугьу район экономикайинна социальный рьяк'ан улихна гьабхак лайикуь пай кивну ва районагьлийрин терефану жуб гьюрмат гьазанмиш гьапну.

Пресс-центр.



дидикна: «Узу Ахтынский райондин Ахты гьулаь 1906-пи йисан Бакуйин рабочийин хизандиь бабкан гьабхьунзу. Йиз адаш ва дада кьабивалиан 1918-йисан кечмиш гьабхьун. Йиз яшар 12 йис тамам хьулан кьаяляхь Азербайжан ССР-ин Куба, Кусари шагьрарий, хьасин Ахты гьулаь 1925-пи йисакьан кулакарихь батраквал апури гьабхьунза.

Советарин гьюкуматдин гьаврий ахьган, 1925-пи йисан Ленинский комсомолдин жергийри кучьунза.

1925-пи йисан августдин вази Махачкала шагьри балургьарикан консервийр гьязур апуру заводди рабочийвал апуз хьогьунза.

Заводди активноди ляхин

ДАССР-ин 100 йис тамам хьупаз тялукь вуди

Клакначи жергйириз удубчівну

1907-пи йисан Самурский округдин (гьамусдин Ахтынский райондин) Кана гьулаь Бакуйин



рабочийин хизандиь бабкан гьахь Азизов Какихан Абдулазизовичди 1941-пи йисан сентябрин вазлилан 1944-пи йисан мартдин вазлилан ВКП(б)-ийн Хив райкомдин сарпи секретарвал гьалпну. Исихь дуглан автобиографияан бязи далилар кьванна хурхьа.

1925-пи йисан сентябрин 1927-пи йисан майизькан Какихан Азизовди Баку шагьрин багарихь хьайи Дигах гьулан ккебгьбан мектебди гьурхну. 1927-пи йисан майин вазлилан 1928-пи йисан октябрин багьри гьулан Советдин секретарвал, хьа 1928-пи йисан октябрин 1931-пи йисан сентябрин Бакуйин Бинакадийский райондиь рабочийвал гьалпну.

1930-пи йисан думу ВКП(б)-ийн жергйирик кучлвну ва заочно вуди дугьу рабфакдиьра гьурхну.

1931-пи йисан сентябрин 1936-пи йисан январизькан дугьу Ахты гьулан ккебгьбан мектебди мялмивал гьалпну, хьа 1932-пи-1933-пи йисари заочноди Дербентдин педтехникумдиь гьурхну.

1936-пи йисан январин вазли партиийн Ахтынский райкомди Какихан Азизов Железноводск шагьрин марксизмийн-ленинизмийн сад йисандин курсариз гьаьну. 1937-пи йисан апрелин вазли курсар ккудукбалан кьяляхь партиийн Дагьустандин обкомди думу ВКП(б)-ийн Ахтынский райкомдин штатный пропагандист вуди гьаьну.

1937-пи йисан июлин вазли райондин партконференцияийн думу ВКП(б)-ийн Ахтынский райкомдин шубурпи секретарди, хьа 1938-пи йисан майин вазли ВКП(б)-ийн Ахтынский райкомдин кьюрпи секретарди ктагьну.

Зийхь ухьу кьайд дапна-ийганси, Казихан Азизовди 1941-1944-пи йисари ВКП(б)-ийн Хив райкомдин сарпи секретарвал гьалпну. Дугьу райондиь регьбервал туврай йисари Хив район республиканский клакначи райондин жергейиз удубчівну. Думу йисари райондиь 11 ражари ДАССР-ин партиийн обкомдин ва СНК-ийн хил ан-хлиз гьабгьру Уьру Пайдагь тувну. Халкьдин мяшаддин жорбежор циркларий гьазанимиш гьалпну хьуркьувалариан сабшвнуб ражари И.В.Сталиндиьхан райондиь чухсагьулин телеграммийр хьуркьну.

Районди хьуркьувалар гьазанимиш апбак лайикьлу пай кьиваз лигьну Какихан Азизовди ДАССР-ин Верховный Советдин Почетный Грамота, 1944-пи йисан ССР-ин Верховный Советди «Знак Почета» орден тувну.

1944-1946-пи йисари дугьу ВКП(б)-ийн Табасаран райкомдин сарпи секретарвалла гьалпну. Хьасин, яни 1946-пи йисан июлин вазли думу партиийн Дагьустандин обкомдин резервдиь хьади гьушну ва ВКП(б)-ийн Дагьустандин обкомдин инструкторди деркьну.

Какихан Азизов савадлу, ляхин удубкьру ва ляхин аплу руководитель вуди гьаьну. Думу гьаммишан кьван гьитувал гьамусдин ва жележдин насларин буржуйрикан ву.

Пресс-центр.

Дишагьлийирин машквар вуйи 8-пи Мартдин тарихдикан

Международный дишагьлийирин 8-пи Мартдин машквар дишагьлийирин ихтиярар уьрхбан женган ийгьси арайиз гьафиб ву. Америкайин Нью-Йорк шагьриь палтар ва ликрин габар дирхру фабрикийрин рабочий дишагьлийир 1857-пи йисан 8-пи мартдиь манифестацияийз уч гьахьнийи. Дина уч духьнайи дишагьлийири 10 сьаьтнакан ибарат вуйи рабочий ийгь, агу ва ляхин уждар шартлар аий рабочий йишвар, жилижуварихди сабсиб ляхин маважиб



туввал кьун аплурайи. Думу вахтари дишагьлийири суткаийь 16 сьаьтна ляхин аплури гьахьну, зегьметнан гьакьки вуди дурариз кепкартлан туври гьахьун-дар.

Жилижуварихьан чпин ийгьнан ляхин вахт 10 сьаьтнахьна хуз удукьнийи. США-ийн гизаф карханйириь профсоюздин тешкилатар арайиз гьафнийи.

1857-пи йисандин 8-пи мартдин кьяляхь Нью-Йоркдиь хьанара саб профсоюздин тешкилат

арайиз гьафну. Думу тешкилатдин членарди сифте вуди дишагьлийири гьахьнийи. Демонстрацияийз удубчівну. Нью-Йоркдин гизаф карханйириь лихурайи дишагьлийири чпиз избирательный ихтияр тувуб кьун гьалпнийи.

Копенгаген шагьриь 1910-пи йисан социалистар вуйи дишагьлийирин Международной конференция кьули гьубшнийи ва душ'ин Клара Цеткинди Международной дишагьлийирин ийгь вуйи 8-пи март машкварси кьайд апбан теклиф дивнийи. Дугьан теклиф дун'ийн вари дишагьлийириь сабсодар ихтиярар бадали женгак кучлвбаз дих аплугь гьахьнийи. Му дих апбаз жаваб вуди гизаф уьлкийирин дишагьлийир чпин ихтиярар, ужуь уьмуьр, чпихьна вуйи гьорьмат за апбан, ислягьвал бадали вуйи женгак кучлвну.

Му машквар сифте вуди 1911-пи йисан 19-пи мартдиь Австрияийь, Данияийь, Германияийь ва Швейцарияийь кьайд гьалпну. Думуган миллион-дилан гизаф жилижувар ва дишагьлийир манифестацияийриь иштирак гьахьну. Дидьханмина нубатнан машквар 1912-пи йисан 12-пи майиь кьайд гьалпнийи. Россияийь Международной дишагьлийирин ийгь 1913-пи йисан Петербурдиь кьайд гьалпнийи.

1913-пи йисан 2-пи мартдиь, Петербург шагьрин гьюкумдарин ихтиярра ади, Полтавский кючейиь Калашниковский уьлин биржайин тикилишдиь 1500 кас уч гьахьнийи. Душ'ин дишагьлийир сесер тувбан ихтиярарихдиь тьмин апбан, баб дишагьлийириь государственной ихтияр тувну. Му тарихи ийгь думуган Россияийь ишлемиш аплурайи юлианский календаринди 23-пи февралийн, хьа григорианский календаринди 8-пи мартдин алабьна.

Советарин гьюкуматдин сифтеийн йисарилан бабшаниш дапну Международной дишагьлийирин ийгь вуйи 8-пи март государственной машквар гьахьну. 1965-пи йисанмина му ийгь ляхин дарапну, яни эрг'вал йивру ийгь вуди гьисаб аплура.

РФ-ийн миллионариинди дишагьлийириьхди сабси, ихь райондин гизаф дишагьлийири район экономикаийн социальный жигьатнаан артимш апбан, агьалийириь гьуллугь апбан, аьхю шулайи наслиз ужуь тербия тувбан, халкьарин арайиь ислягьвал уьхьбан бадали женг зигура.

Физкультура ва спорт – ихь сагьламвал

Аьхиримжи йисари ихь уьлкеийь физкультура ва спорт артимш апбаз аьхю фикир тувра. Уьлкеийн жара пилпарийси, ухухьра дурариз циьди фикир туври адар. Гьаз гьалиш, думу мектеб аий ляхин ву.

Гьамусьяьтна государственной вари халкьдин улихь рюгьнан рякь'ан девлетлу, марци ахлакь аийи, физический жигьатнаан лигимлу ва чак инсаниятдин тарихдиь арайиина дуфнайи вари мярифатлу гьилигьар кайи, сагьламвал аий инсан аьхю апбан месэла дивна. Гьаддиз ухухьра гьар йисан спорт ва физкультура артимш апбан бадали спортдин уйнамиш апбан секцийр арайиз гьюра. Бязи йишварий спортдин машгьул хьпан бадали, спортдин снарядар дивну ляхник кипна ва гь.ж. Гьелбетда, гьамцдар ляхари ва агьалийирин арайиь дидин метлебуваликан гьаврийь кьабари, цийи инсан тербияламиш апбаз важиблу роль уйнамиш аплура. Чьуру ляхнарин машгьул хьпан рякьра

хьабькьра. Гьаддиз ихь жьамьяьтлугьдин улихь дийгьнайи важиблу месэлийирикан саб физкультура ва спорт массовый вуйи апбакан, дид'ина агьалийирин рякьу гьатар жалб апбакан, иллагьки жигьларин юкь али майдан апбакан ибарат шула.

Физкультура ва спорт гьарсаб миллетдин милли культурайин ва гьадму саб вахтна вари инсаниятдин уьмуми культура шула. Гьаци гьашиган, думу артимш апбан бадали РФ-ийн Президент В.В. Путинди сабшвнубан чан улхьбар, му ляхниз фикир тувуб кьун гьалпну. Россияийн Федерацияийн Гьюкуматди му жигьатнаан сабшвнуб кьзарар кьабул гьалпну. Гьамцдар ляхари жигьлариз ва мектебарий урхурайидариз спортдин машгьул шу шартлар арайиз гьахну. Мидин гьакьнаан ихь райондиь багарихь вахтари цийи мектебар дивбахьди сабси, дурарийь спортдин заларра хьпу субут аплура. Райондиь аий ДЮСШ-дин ляхинна жанлу гьахьну. Спортдин ва

физкультурайин машгьул шулайидарин кьадарра артухь хьуз мумкинвал тувну. Гьамус райондиь гьавайин шартлариз дилигди, талитар гьахуз шула. Райондиь асас вуди боксдиан, азадди юкьвар дисбаан, волейболиан, дзюдойиан секцийр ляхник ка. Гьаму жюрйириан спортдин 300 касдиан зиина машгьул шула. Гизафдариз массовый спортдин разрядар в. Вари сабшвнубан гьадабгьиган, физкультурайин машгьул шулайидарин кьадар 4 агьзурилан гизаф ву.

Улихьдиси дарди, гьамус райондиь спортдин ва физкультурайин рякь'ан гахурайи жорбежор серенжемарий спорт ва физкультура артимш апбаз ужуь терефнахьинди тьсир гьалпну. Гьар йисан «Хивский район» МО-ийн главаийн призар бадали дзюдойиан, волейболиан талитар гьахура. Гьаму йисан МР-ийн глава Ярмет Ярметовдин призариз тялукь вуди Цийи Фрюгь гьулаь дзюдойиан талитар кьули гьурхну. Райондин сабти йишв бадали азадди

юкьвар дисбаан талитар гьахуь аьдатнан ляхин дубьхна. Диндин гьуллугьчийри гьар йисан чимир лишниз йивбаан талитар тешкил аплури шула.

Райондиь спортдин ва физкультурайин машгьул шулайидари республикаийн дережайиьди гьагьурайи талитарьяра активноди иштирак аплура ва призовой йишваризра лайикьлу гьахьну.

Райондиь спортдин рякь'ан тербияламиш гьалпну саб жерге спортсменарикан Дагьустан Республикаийн Европайин, дун'ийн чемпионар гьахьну.

Саб бязи йишварий материално-технический базара аийбдилан ужу хьпу уждар натижийриьхна гьахну. Райондиь жележиди спорт ва физкультура артимш апбан бадали серенжемар тартиб апбанин машгьул дубьхна. Гьадрар кади жуван сагьламвал бадали спортдин ва физкультурайин машгьул хьлаз фикир тувну кьунду. Гьаз гьалиш, думу ихь сагьламвал ву.

Г.Абдулазизов.

Варидарин уьмур саб дар

Уьмур рягьятди гьябгьруб в клуз шулдар. Гьаз гьапиш, уьмриь кьваинкьан алдру вакиьйир арайиз гьюри шула. Саспидарин уьмур ярхиб, бязидарин жикьиб хьуз мумкин ву. Яш дубьну, уьзур дизигну, му дюн'яйилан гизаф инсанар гьушну ва хьана гьагьюру. Му уьмрин. Яшайшдин, табиаьтдин кьанун вуйиб аьгьахьуз. Саспидар аьхнийь йиклуру, хьа бязидар чолий. Жьуван велед жьуваз дьяркъди гьаклиган, гизаф азиятра шулу.

Табасаран шаир Зумруд Ханмягьмадавайи «Дюн'яйихь ул хьимдариз» клуру шиьриь гьамци клура:

Уьлкийриь ядсуз сарди пашманди ахьнийьуз, зигури дерди.

Дюн'яйин уж' вал дьяркъди гьушиш, гьапиза ругурилан марци?

Ав, дюн'яйин уж' вал дьяркъди гьушдарин кьадар сан адрубкьан гьабьхьну. Иллагьки дявдин йисари. Ватан бадали чпин жанар фида гьаплу жигиларра цидар гьахьундар. Гьацдарикан сар ихь ватанагьли Абдулазиз Абдулазизовра гьахьну. Эскадрондин командир, капитан Аь. Абдулазизовди 20 йис тамам шайиз Кишинев азад апбан бадали чан жан фида гьаплу. Дугьан гьунарар бицидар гьахьундар. Думу гьадму яшнаь генералин адьютантди, знаменосецди, батальондин штабдин начальнигди гьахьну. Думу гьар вахтна эскрариз нумуна улупрур вуйи. Дугьаз Молдавияйиь айи Пушкиндин чьвурнахь хьайи паркь обелиск дивну.

Гьелбетда, зийхь улупнайи шиьриь дибикнайиси, дюн'яйин уж' валар дьяркъну, жьуван багьрийрихьди, гьуландарихьди шадвал, хизан дубьну баяр-шубарин шад сесер ерхуз кьундуи. Амма душмандин кацлу хилари кьивнайи минайи, думу уьмрихьан гьапнийи.

Гьамцдар ляхнар дявдин йисари цидар гьахьундар. Дявдин йисари абйир-бабарин юквар ишуз, уларь дерин пашманвал гьитну, апру гафарихь мюгьгал гьапну.

Амма, абйир-бабарин насигьятар тамам гьапну, душмандихьди вуйи женгарь, чпин жанар гьайиф дарапди Ватан гьабхьну.

Гьайифки, мяслаьтнан йигьарира вахтсуз вуди, бахтсуз вуди, чпин веледар дьяркъди,

дурарин хал-хизан кьекбгьру шадвалин шагьидар дархьиди, зат дюн'яйик пай кивуз мумкинвал дибрихьди ихь уьмриан гизаф жигилар гьагьюру. Заманайи инсанарин уьмрин кьанунар дигиш алура. Ухдихьанмина айи аьдат жигилари яшлуьйр фаракьат алувал вуйи, гьамуз яшлуьйри чпин уьмрин гьалкьийриан клул адабгьуз дархьди баяр сикин алура. Му тахсиркранин улхьйшв вахтнинди дибрисувалин, гьюрайи бала-кьадар вахтназ улхьна аьгьу алуз зегьмет дизригьивалин натижа дар клуз шулдар.

Ихь райондин табасаран «Аку хьяд» ва лезги (дубляж) чалнинди удучьвурайи «Экуь гьед» газетарин машарик кми-кмиди гьам илимдин, гьамсана спортдин майднарин ихь жигилари, ватанагьлийри гьадагу гьалибваларикан чап алурира шулаха. Гьаму жики макьалайиь вахтсузди. Игитвалинди кечмиш гьахьи вари жигиларикан биклуз даршул. Дурар ухьу гьаргандиз ихь юкварь уьрхюб буржарикан ву. Дураринди уткан шулха, гележегдин наслариз дурарин чьвурар, суратар чпин юкварь уьрхюз аманат дарапди гьибтуз даршул.

Гьам душмандихьди вуйи женгарь, гьамсана жара бедбахтваларин жигилди имиди уьмриан гьушдар вари гьаму сиягьдик кауз даршул. Гьадрарра, вари кечмиш духьнайидарра Аллагьдин рягьматдик ишри.

2013-пи йисан Подмосковьейиь нирик

кабьрайи шубар кьадагьу. Хьа учь ирикк кахьну гьаки Табасаран райондин Гьепил гьул' ан вуйи Марат Рягьметов табасаран жигиларин арайиь гьюрматлу йишваз лайикьлу гьахьну. Читин дюшюшнаь инсанар уьрхурган улупу дирбаш' вализ лигну, марат рягьметов (йикбалан кьяляхь) Жилирвалин ордендинди лишанлу гьапну.

2007-пи йисан 4-пи октябрь Мягьагьалайиь чан гьуллугьнан буржи тамам алури, бандитарихьди вуйи женгарь Гьарихь гьулан агьали, 39 йисан яшнаь айи милицияйин майор Эфлетдин Сиражудинович Гираев игитвалинди гьакну. Думу афгьанстандин гьядисйирин иштиракк «Гьучагьвал улупбаз лигну» медалин, «Воин-интернационалист» значокдин сагьиб вуди гьахьну.

Гьамцдар игитарин сиягьят ахьюб ву. Дурар кьваин уьрхюб ихь буржи ву.

Ихь уьмрин, ихь яшайшдин, ухьуз уьмрин гьорчег' валарихьинди лигуз ва дурарикан мянфьяьт ктабгьуз тувнайи мумкинваларикан вахтсуз вуди дюн'яйилан гьушу жигиларина чпин аьжалинди кибту пай кашул, дупну, дурарин рюгьариз кьваантлан икрам алуруха, дурариз тутруву уьмур чпин веледариз, багахьлуьйриз тутрувал кьун алуруха.

Г. Абдулазизов.

МЕРЫ ПРОФИЛАКТИКИ КОРОНАВИРУСА


СТ. П. КОРОНАВИРУС. РФ

В ОБЩЕСТВЕННЫХ МЕСТАХ




ИСПОЛЬЗУЙТЕ МАСКУ

Меняйте ее каждые 2 часа



ДЕРЖИТЕ ДИСТАНЦИЮ

Исключите рукопожатия, объятия и поцелуи



ОБРАБАТЫВАЙТЕ РУКИ АНТИСЕПТИКОМ

Избегайте касаний предметов и поверхностей

БЕРЕГИТЕ СЕБЯ И БЛИЗКИХ БУДЬТЕ ЗДОРОВЫ!

Погода на неделю

	8 марта		9 марта		10 марта		11 марта		12 марта		13 марта		14 марта	
	ночь	день	ночь	день	ночь	день	ночь	день	ночь	день	ночь	день	ночь	день
Облачность	[Weather icons: clouds, sun, moon]													
Осадки	[Weather icons: rain, snow]													
Атмосферное давление, мм.рт.ст.	653	665	664	661	665	662	663	664	665	665	662	661	665	668
Температура воздуха, С	-6	-2	-3	-1	-4	0	-5	-3	-13	-8	-6	+2	-3	+1
Влажность в воздухе, %	98	87	89	76	79	73	91	90	91	80	55	72	69	91
Ветер м/с	Ю-В	В	С	С-В	Ю	С-В	С	С-В	С-В	В	Ю-З	З	Ю-З	С-В
	1	2	3	3	3	3	1	3	1	2	3	2	2	1

ПРОГРАММА ПЕРЕДАЧ ХИВСКОГО ТЕЛЕВИДЕНИЯ

ВТОРНИК 9.03.2021

18-00 Райновости (6+)
18-30 Концерт по вашим заявкам. (12+)
19-00 Время телесериала. (12+)
19-30 20-30, 21-20 Реклама. (12+)

СРЕДА 10.03.2021

18-00 Райновости (6+)
18-30 Концерт по вашим заявкам. (12+)
19-00 Время телесериала. (12+)
19-30 20-30, 21-20 Реклама. (12+)

ЧЕТВЕРГ 11.03.2021

18-00 "Беседы о религии" (6+)
18-30 Концерт по вашим заявкам. (12+)
19-00 Время телесериала. (12+)
19-30 20-30, 21-20 Реклама. (12+)

ПЯТНИЦА 12.03.2021

18-00 Райновости (6+)
18-30 Концерт по вашим заявкам. (12+)
19-00 Время телесериала. (12+)
19-30 20-30, 21-20 Реклама. (12+)

СУББОТА 13.03.2021

18-00 Райновости (6+)
18-30 Концерт по вашим заявкам. (12+)
19-00 Время телесериала. (12+)
19-30 20-30, 21-20 Реклама. (12+)

УЧРЕДИТЕЛЬ:
администрация
муниципального
образования «Хивский
район».
Ответственный за выпуск
- Р.К. Балабеков.
Главный редактор -
А.С. Алиризаев.

Газета зарегистрирована
Управлением Федеральной
службы по надзору в сфере
связи, информационных техно-
логий и массовых коммуни-
каций по Республике
Дагестан. Регистрационный
номер ПИ №ТУ05-00313 от
12 мая 2015г.

Авторы несут ответствен-
ность за достоверность
представленных для публи-
кации материалов
Рукописи не рецензируются и
не возвращаются
Индекс газеты: 51374
Тел: 8-909-483-20-27

Газета набрана и сверстана на
компьютерной базе МБУ «Пресс-
центр МО «Хивский район» и
отпечатана в типографии № 3. г.
Дербента Республики Дагестан,
ул. С. Курбанова, 25.

Адрес редакции и издателя: 368680,
Хивский район, сел. Хив, ул. Советская,
8, МБУ «Пресс-центр МО «Хивский
район». Срок подписания в печать -
3.03.2021г. - 17:00 ч.
Подписано в печать -
3.03.2021г. - 13:45 ч..
Тираж 500
Заказ №